



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-11-3-810-12/22

Datum: 21.04.2022. godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 20.04.2022. godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

O D L U K U

o izboru najpovoljnijeg ponuđača

I

Najpovoljnija ponuda za robe u predmetu "Nabavka zastava i uličnih transparentata" za ponudenu cijenu u iznosu bez PDV-a od 9.500,00KM (slovima: devethiljadapetstotina i 00/100 konvertibilnih maraka) odnosno sa PDV-om na iznos od 11.115,00KM (slovima: jedanaesthiljadastotinupetnaest i 00/100 konvertibilnih maraka) je ponuda ponuđača MAX Trgovine doo Zenica.

II

Ponuda je dostavljena u konkurentskom zahtjevu za dostavu ponuda, koji je objavljen na Portalu javnih nabavki dana 15.03.2022. godine pod brojem: 375-7-1-43-3-18/22, kriterij za dodjelu ugovora je najniža cijena.

III

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuje svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda INTEA BH doo Sarajevo se odbacuje iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

V

Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za robe "Nabavka zastava i uličnih transparentata" pokrenut je Odlukom o pokretanju postupka broj: 02-11-3-810-2/22 od 11.03.2022. godine. Odabran je konkurentski zahtjev za dostavu ponuda, koji je objavljen na Portalu javnih nabavki dana 15.03.2022. godine pod brojem: 375-7-1-43-3-18/22, procijenjena vrijednost javne nabavke bez PDV-a je 21.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 3 (tri) ponude i to: ponuda INTEA BH doo Sarajevo, ponuda MAX Trgovine doo Zenica i ponuda EURO VEZ doo Tešanj.

Komisija za javne nabavke imenovana rješenjem Općinskog Načelnika broj: 02-11-3-810-5/22 od 30.03.2022.godine izvršila je dana 07.04.2022.godine javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su dvije ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 15.04.2022.godine od 10:00 sati u trajanju od 10 minuta.

Iz Izvještaja o toku i završetku E-aukcije od 18.04.2022.godine (koji je u predmetu spisa) vidljivo je da MAX Trgovine doo Zenica kao ponuđač zauzima prvo mjesto na Konačnoj listi ponuđača koji su učestvovali u E-aukciji te je ugovorni organ iz Izvještaja o toku i završetku E-aukcije preuzeo Konačnu listu ponuđače koji su učestvovali u E-aukciji kako slijedi:

1. MAX Trgovine doo Zenica
2. EURO VEZ doo Tešanj

Komisija je kod ocjene ponuda takođe utvrdila da ponuda ponuđača INTEA BH doo Sarajevo sadrži ovjerenu kopiju Potvrde o solventnosti broj:03-04-02-1745-1/22 od 17.02.2022.godine izdatu od Privredne banke Sarajevo, koja datumski neodgovara uslovu koji je propisan tenderskom dokumentacijom. Naime tačkom 2.3. tenderske dokumentacije je propisano da se uz tendersku dokumentaciju dostavlja „obična kopija Potvrde banke (ne stariju od 30 dana, u odnosu na datum podnošenja ponude) kod koje ponuđač ima otvoren Glavni račun za poslovanje (na potvrdi naznačiti da se radi o glavnom računu za poslovanje), da račun nije blokiran u posljednja 3 (tri) mjeseca“ a dostavljena potvrda je izdata 17.02.2022.godine a ponuda je podnesena na protokol ugovornog organa dana 05.04.2022.godine, dakle ista je starija od 30 dana u odnosu na datum podnošenja ponude.

Ponuda INTEA BH doo Sarajevo je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.


Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-810-11/22 od 20.04.2022.godine), da se u predmetu javne nabavke "Nabavka zastava i uličnih transparentata", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za robe određuje ponuda ponuđača MAX Trgovine doo Zenica, odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za robe predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač MAX Trgovine doo Zenica sa cijenom u iznosu bez PDV-a od 9.500,00KM (slovima: devethiljadapetstotina i 00/100 konvertibilnih maraka) odnosno sa PDV-om na iznos od 11.115,00KM (slovima: jedanaesthiljadastotinupetnaest i 00/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x3,
2. Služba za finansije, privredu, komunalne i inspeksijske poslove,
3. Web stranica općine Tešanj, elektronski,
4. Predmet.



OPĆINSKI NAČELNIK

mr.sci. Suad Huskić